

XIBALO XA VATIRHI [HAKELO-HI-KU-YA-HI-MUHOLO (PAYE)]

Xana i yini Leswintshwa?

- **14 Khotavuxika 2018 – Version 17.1 ya Ndzinganiso wa Timali wa Muthori ya PAYE BRS (humeso wa Mhawuri 2018) yi humesiwile.**
- **01 Khotavuxika 2018 - Ndzinganiso wa Timali wa Muthori wa Lembe wa 2018 (1 Nyenyankulu 2017 – 28 Nyenyenyani 2018)**
Hi ku titsongahata u tsundzuxiwa leswaku siku ro pfala ra mirhumelo ya Mindzinganiso ya Timali wa Muthori ya Hakelo-Hi-Ku-Ya-Hi-Muholo (PAYE) eka nkarhi wa ti1 Nyenyankulu 2017 – 28 Nyenyenyani 2018 eka SARS, ku tiyisisa kumbe ku lulamisa mitsengo ya xibalo ya nongonoko wa vatirhi leyi tivisiweke hi ku ya hi nkarhi wa xibalo wa 2017/2018 sweswi yi pfiwile ti 31 Mudyaxihi 2018. Mirhumelo ya wena yi hlwerile naswona yi fanele ku rhumeriwa handle ka mihwelo yo engetelela tanihleswi u nga xupuriwaka.
- **01 April 2018 - 2018 Ndzinganiso wa Timali wa Muthori wa Lembe wa 2018 (1 Nyenyankulu 2017 – 28 Nyenyenyani 2018) - PFARILE**
Vathori va fanele va rhumela Mindzinganiso ya vona ya Timali wa Muthori wa Lembe ya Hakelo-Hi-Ku-Ya-Hi-Muholo (PAYE) exikarhi ka ti 1 Dzivamisoko na ti 31 Mudyaxihi 2018 eka SARS, ku tiyisisa kumbe ku lulamisa mitsengo ya xibalo ya nongonoko wa vatirhi leyi tivisiweke hi ku ya hi nkarhi wa xibalo wa 2017/2018.

Swihlawulekisi swa Xilaveko xa Bindzu (BRS) na mikarhi yo hetisisa

Xihlawulekisi xa Xilaveko xa Bindzu	Lembe leri Faneleke	Masiku ya Rhumelo*
BRS – Ndzinganiso wa Timali wa Muthori wa PAYE eka 2018 / 2019	Ndzinganiso wa Timali wa Muthori wa Lembe ra 2019 (1 Nyenyankulu 2018 - 28 Nyenyenyani 2019)	Masungulo: 15 Ndzhati - 31 Nhlangua 2018 Lembe: 1 Dzivamisoko - 31 Mudyaxihi 2019
BRS – Ndzinganiso wa Timali wa Muthori wa PAYE eka 2017 / 2018	Ndzinganiso wa Timali wa Muthori wa Lembe ra 2018 (1 Nyenyankulu 2017 - 28 Nyenyenyani 2018)	Masungulo: 15 Ndzhati - 31 Nhlangua 2017 Lembe: 1 Dzivamisoko - 31 Mudyaxihi 2018
BRS – Ndzinganiso wa Timali wa Muthori wa PAYE eka 2016 /2017	Ndzinganiso wa Timali wa Muthori wa Lembe ra 2017 (1 Nyenyankulu 2016 – 28 Nyenyenyani 2017)	Masungulo: 12 Ndzhati - 31 Nhlangua 2016 Lembe: 1 Dzivamisoko - 31 Mudyaxihi 2017

* Mikarhi ya rhumelo yo hetelela yi fanele yi landzelela swilaveko swa bindzu / ku lulamela na masiku yo tirha. Ntiyisiso wo hetelela wu ta tivisiwa enkarhini lowu faneleke wa rhumelo.

Xana i yini PAYE?

Xibalo xa Vatirhi ku vuriwa xibalo lexi faneleke ku susiwa hi muthori ku suka eka muholo wa mutirhi lowu hakeriweke kumbe lowu faneleke ku hakeriwa. Phurosese yo susa kumbe ku khoma xibalo ku suka eka muholo lowu horiwaka hi muthori wu vitaniwa PAYE.

Muthori loyi a nga [titsarisela kumbe loyi ku lavekaka leswaku a titsarisela](#) na SARS eka PAYE na/kumbe hi swikongomelo swa Levhi ya Nhluvukiso wa Vuswikoti (SDL), u tlhela a laviwa leswaku a titsarisela na SARS eka ku hakela tihakelo ta Nkwama wa Ndzindzakhombo ya Mpumaleko wa ntirho (UIF) eka SARS. U nga titsarsela kan'we eka mixaka hinkwayo yo hambana ya xibalo hi ku tirhisa [sisiteme ya vuxokoxoko bya mupfuniwa](#).

Xitsundzuxo xa Nkoka: Nhlohotelo wa Xibalo wa Muthori wu hlohotela vathori ku thola vatirhi va vantshwa hi ku nyiketa hakelo ya xibalo eka vathori. [Hlaya swo tala](#).

Xana i ya va mani?

Mitsengo leyi susiweke kumbe leyi khomiweke yi fanele yi hakeriwa hi muthori eka SARS nhweti na nhweti, hi ku [tata Ntvisiso wa Muthori wa Nhweti na Nhweti \(EMP201\)](#). EMP201 i ntvisiso wa hakelo lowu muthori a tivisaka ntsengo hinkwawo wa hakelo kun'we na miavo ya PAYE, SDL, UIF na/kumbe [Nhlohotelo wa Xibalo wa Muthori \(ETI\)](#), loko swi fanerile. Nomboro ya Rheferense ya Hakelo yo hlawuleka (PRN) yi ta tumbuluxiwa eka EMP201, naswona yi ta tirhisiwa ku hlenganisa hakelo ya ntvisiso na ntvisiso wa hakelo ya EMP201.

Xana yi fanele ku hakeriwa njhani naswona rini?

Yi fanele yi hakeriwa eka masiku yo ringana nkombo endzhaku ka ku hela ka nhweti enkarhini lowu ntsengo wu nga susiwa hi wona. Loko ku ve siku ro hetelela ra hakelo ri wela eka siku ro wisa ra mani na mani kumbe eku heleni ka vhiki, hakelo yi fanele yi hakeriwa eka siku ro hetelela ra ntirho ku nga si fika siku ro wisa ra mani na mani kumbe ku hela ka vhiki.

Maendlelo ya mahakelelo lawa ya landzelaka ya kumeka (ku sukela hi ti1 Dzivamisoko 2016):

- eFiling
- Tihakelo ta xitroniki (EFT)
- [Tihakelo ebangi](#): Tihakelo hinkwato ti nga endliwa erhavini rin'wana na rin'wana ra ABSA, Albaraka Bank Limited, Bank of Athens, Capitec, FNB, Habib Bank Zurich (HBZ), HSBC, Nedbank, Mercantile kumbe Standard Bank.
- Tifomo ta tihakelo leti tisiwaka hi voko ti nge he amukeriwi hi SARS. Ticheke leti posiweke / leti rhumeriweke eka SARS ti ta vuyiseriwa eka mupfunywa.

Tsundzuka: U komberiwa ku tsundzuka leswaku micico leyi a yi katsi Vulawuri bya Mindzilekani.

Tsundzuka:

Vathori lava hakelaka, kumbe lava nga ha hakelaka Xibalo xa Vatirhi lexi tlulaka R10 miliyoni eka nkarhi wun'wana na wun'wana wa 12 wa tinhweti, va fanele ku rhumela Mitiviso ya Xibalo xa Vatirhi no endla tihakelo hi ndlela ya xitroniki.

- [Afrikaans](#)
- [English](#)
- [Sepedi](#)
- [Sesotho](#)